



Pou Piblikasyon Imedya: 27/08/2020

GOUVÈNÈ ANDREW M. CUOMO

GOUVÈNÈ CUOMO DEPLWAYE EKIP TÈS SWAT LA EPI LI ANONSE NOUVO SIT TÈS TANPORÈ NAN REJYON LWÈS NEW YORK NAN KAD OGMANTASYON KA COVID-19 RESAN YO

*Yè yo te rapòte plis pase 100 nouvo ka nan Rejyon Lwès New York pou premye
fwa depi me*

Ekip pou ouvri sit tès rapid gratis ak rezulta yo nan 15 minit

Uit sit tès tanporè atravè rejyon an ouvri samdi a

Rele 833-NYSTRNG pou pwograme yon randevou

Jodl A Gouvènè Andrew M. Cuomo te deplwaye yon ekip SWAT pou fè tès nan Rejyon Lwès New York pou adrese ogmantasyon ka COVID-19 resan yo nan rejyon an. Ekip la pral ouvri sit tès rapid gratis nan tout rejyon an, an patenarya ak Kaleida Health, Sant Medikal Konte Erie (Erie County Medical Center, ECMC), ak Catholic Health. Yo pral ouvri uit nouvo sit tès samdi 29 out la.

Sit yo pral ouvri soti 9 a.m. pou rive 6 p.m. soti samdi rive mèkredi. Tout rezidan yo elijib pou tès yo epi yo ka pran randevou lè yo rele 833-NYSTRNG (697-8764). Eta New York pral deplwaye 50 machin tès rapid pou sipòte efò a epi yo pral deplwaye plis jan sa nesesè. Tout tès yo gratis epi rezulta yo pral sipòte efò trasaj kontak k'ap fèt yo pou siveye epi kontwole pwopagasyon viris la.

"Nan Rejyon Lwès New York, nou gen yon drapo pou prekosyon epi nou pral moute li yon ti jan pi wo jodi a. To enfeksyon rejyon an te 2 poustan yè, ki se pa yon bon nouvèl", **Gouvènè Cuomo te deklare.** "Nou pral deplwaye yon ekip SWAT k'ap soti nan Depatman Sante (Department of Health, DOH) ki pral fè tès adisyonèl nan uit sit nan rejyon an nan sèvi avèk machin tès Abbott, ki bay rezulta menm jou a literalman nan lè a. Nou ap konsantre sou Rejyon Lwès New York epi nou pral kontinye konsantre sou li. Mèsi a patnè nou yo Kaleida Health, Erie County Medical Center ak Catholic Health pou asistans yo nan kad efò sa a."

Gen yon lis uit nouvo sit tès yo ki disponib la anba a:

Deleavan-Grider Community Center (Sant Kominotè Deleavan-Grider)

877 E. Delavan Ave.
Buffalo, NY 14215

True Bethel Baptist Church
907 E. Ferry St.
Buffalo, NY 14211

Northwest Buffalo Community Center (Sant Kominotè Northwest Buffalo)
155 Lawn Ave.
Buffalo, NY 14207

Dunkirk Fire Murphy Training Grounds (Tèren Fòmasyon Dunkirk Fire Murphy)
665 Brigham Road
Dunkirk, NY 14048

SUNY ECC North
6205 Main St.
Williamsville, NY 14221

Vigilant Fire Hall (Kazèn Ponpye Vijilan)
666 Main St.
West Seneca, NY 14224

John A. Duke Senior Center
1201 Hyde Park Blvd.
Niagara Falls, NY 14301

YWCA of the Niagara Frontier
32 Cottage St.
Lockport, NY 14094

Pousantaj tès pozitif COVID-19 nan Rejyon Lwès New York vin pi wo pase 1 poustan pou nèf jou afile. Kantite nouvo ka an mwayèn rejyon an pa jou kounye a se 70 ka pou chak jou, to ki pi wo depi mitan mwa jen en. Li kondui an pati pa gwoup, ki gen ladan yon izin transfòmasyon manje nan Konte Chautauqua ki te lye a 53 ka jiska dat, men gen prèv pwopagasyon kominotè tou ke efò tès sa a fèt pou ede detekte ak kontwole.

Jody Lomeo, Prezidan ak Direktè Egzekitif Jeneral Kaleida Health, te deklare, "Sa a se yon gwo egzanp kolaborasyon ak travay ansanm pou ede kominote a lè li nan bezwen. Lidèchip Gouvènè a ak inisyativ pou pote tès rapid isit la nan fen semèn sa a enpòtan nan yon pwendvi sante publik. Avèk ogmantasyon ka pozitif COVID-19 atravè Rejyon Lwès New York, se responsabilite nou - sistèm sante a, gouvènman nou an ak kominote a - pou reyini ansanm epi ede jwenn yon solisyon. Yon fason kolektif, nou tout bezwen kontinye fè tout sa nou kapab pou elaji tès yo epi asire aksè nan kominote a pou nenpòt moun ki vle oswa ki bezwen fè tès la".

Thomas J. Quattroche Jr., PhD, Prezidan ak Direktè Egzekitif Jeneral, Erie County Medical Center Corporation, te deklare, "ECMC apresye anpil lidèchip Gouvènè Cuomo ak angajman li pou sante ak sekirite rezidan nan Rejyon Lwès New York ak travayè ki devan liy nou yo. Swayan devwe ak eksperimante nou yo pare pou sipòte aktivasyon sit rapid tès eta a, ki pral ban nou enfòmasyon valab sou pwopagasyon virus COVID-19 la. Avèk patnè nou yo nan Kaleida Health ak lòt founisè swen sante, nou mande sitwayen parèy nou yo kontinye konfòme yo ak prekosyon ki absoliman enpòtan tankou m, distansete mask, pran distans sosyal ak ijjèn men pou asire ke nou pwoteje fanmi, zanmi ak vwazen nou yo".

Prezidan ak Direktè Egzekitif Catholic Health la Mark Sullivan, te deklare, "Kapasite New York pou teste ak trase kontak avèk efikasite depann de kolaborasyon sere ant eta a ak lopital li yo, e nou fyè pou asosye avèk Gouvènè Cuomo nan dènye efò sa a pou adrese yon ogmantasyon nan pouvantaj tès COVID-19 pozitif nan Rejyon Lwès New York. Ansanm, nou pral itilize resous pataje nou yo pou nou founi tès COVID rapid gratis nan plis sit pou nou ka kontinye ralanti pwopagasyon an ak sove lavi nan rejyon an".

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)